


Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.1.5.13







Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.1.5.13





Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.1.5.13



Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.1.5.13



*ald. 1.5*















ORATIO  
DE  
FRANCISCI  
MEDICES  
MAGNI. ETRVRIA. E. DVCIS  
LAVDIBVS

Habita ab Aldo Manuccio  
*in Augustissima Aede Pisana,*

XII. Kal. Dec.  
CLOXXCVII




FLORENTIAE  
*Ex Typographia Georgii Marescotti.*  
Superiorum permissu



ORATIO  
DE  
FRANCISCI  
MEDICES  
MAGNI. ET RIVAE DVCI  
LAVDIBVS

Habitu ab Aldo Manucio  
in Augustinae Aede Pisana,

XII. Kal. Dec.  
MD. XXXVII



FLORENTIAE  
Ex Typographia Christiani Weverii  
per Joannem Baptistam



MEMORIAE  
MAGNICOOSMI  
MEDICES

IO.F.

ETRVRIAE. MAGNI. DVCIS  
PERPETVA. MODERATIONIS. LAVDE  
IN. SVMMA. POTESTATE

CLARISSIMI

AD. PRAECLARA. OMNIA. NATI  
IN. EAM. PRECIPVE. CVRAM. DVM. VIXIT. INCVMBENTIS  
VT. SIBI. QVISQVE

MAXIMVM. IN. LEGIBVS. PRAESIDIVM  
ESSE. CONSTITVTVM. PVTARET

SVMMI. CVM. IMFINIS. PARI. IVRE. TENERENTVR  
NEMO. PRAETER. CVLPAM. QVIDQVAM. TIMERET  
LIBERALES. DISCIPLINAS. VETERE. MAIORVM. EXEMPLO  
MAGNIS. PREMIIS

AD. ANTIQVAM. DIGNITATEM. REVOCANTIS  
TOT. DENIQVE. VIRTVTIBVS. ORNATI  
VT

VBICVMQVE. NASCI. CONTIGISSET  
IBI. PRIVATVS. ESSE. NON. POSSET



MEMORIAE  
MAGNIFICENTISSIMI  
MEDICIS  
ALDVS MANVCCIVS  
ORATIONEM HANC

IN . FRANCISCI . PARENTALIBVS . HABITAM  
DAT . DICATQ .

D . N . M . Q . E .







VANDO, in commu-  
ni omnium dolore,  
squalore, & lacry-  
mis, ego potissimū,  
nullius ingenii, nul-  
lius doctrinæ, nulli-  
us eloquētiæ, ad  
hanc prouinciā obe-  
undā a vobis lectus  
sim, uiri Pisani; ma-

gnopere cōturbor; cū eum Principē laudādum,  
attollendumque, susceperim, a quo omnium res  
gestæ, omnium superiorum gloria, obscurata  
sunt; & animus meus, in tanta rerum copia, in  
tam amplo, latoque, uirtutum campo, incertus,  
uagusque, feratur, & magnitudine, & excellen-  
tia, gestarum facile rerum obruatur: cum præ-  
sertim intelligam, perdifficile esse, pari in cala-  
mitate, & sordibus, suæ, & alterius vno tempo-  
re, mestitiæ, ac lacrymis, consolatione occurre-  
re. Frangit præterea animum concursus hic fre-  
quentissimus, tanta nobilium corona, & horum  
omnium ora, uultusque, ipsi atrati parietes, in  
tam longo, crebroque, luminum ordine, in hoc  
præsertim Delubro, inter augusta terrarum me-  
morato. exaudio simul uestris lamentationibus,  
uestris questibus, maestam, ac lugubrem, uniuer-  
sam



sam fere respondentem Europam . cerno nihil  
a luctu , nihil a mærore , reuocatum ; omnia tri-  
sti cantu , & iustitio , funesta ; omnia mihi dicen-  
ti noua , terribilia , inusitata . Sed malo , in tantis  
angustiis , vestra fretus humanitate , & in me au-  
diendo benignitate , ineruditi , atque indiserti ,  
apud disertissimos homines , oratoris notam su-  
bire , quam ingratus uideri erga Franciscum Me-  
dicem , Magnum Etruriæ Ducem , uiuum , mor-  
tuumque ; a quo maximis officiis nobilitatus , au-  
ctus honoribus ; cuiusq. semper cognoui in me ,  
uosq. omnes , mirificum benefaciendi studium ,  
& alacritatem . Verum , a quibus exordiis mea  
emanabit oratio ? unde principium auspicabi-  
mur ? Vultis ne , eum laudari a maioribus ? quod  
etsi ueram , solidamque , laudem non affert , Ma-  
gno tamen Francisco non defuit . Maiorum  
enim imagines tam excelsae , tam illustres , tam  
uetulae , sic longe , lateque , patescunt , nulla ve-  
sit gens , nulla natio , tam citima Soli , aut tam  
ab illo seiuncta , ad quam non Mediceæ Familiæ  
laudes , & præconia , decurrerint . A Magni Ca-  
roli ætate , est in hominum estimatione , & fa-  
ma , Auerardus , cuius immortale tropheum ,  
ex strato Mugello , tyranno illius ætatis pugna-  
cissimo , ostentatur . Hinc clarissime domus ia-  
cta fundamenta . hinc erectum fastigium , &  
cul-



culmen rerum. Subsecutus Iacobus Medices,  
pari animi magnitudine, & præstantia, fortuna  
inferior, funestissimo ad Mōtem Casinum Mar  
te, quanta edidit virtutis facinora? Huius vesti  
gia premens Ioannes, Bernardini F., quam acer  
bellator, quam toga excellens? Alterum Ioan  
nem, eiusq. fratrem Siluestrum, num degene  
rasse ab auita præstantia existimatis? tantum ab  
fuit, vt Archiepiscopo Vicecomiti, in Etruriam  
inuadenti magna manu, & accensa cupiditate  
pugnandi, cederent, ut ultro pacem petere, &  
abscedere a Mugelli obsidione, cōpulerint. Quid  
præterea commemorem alterum Siluestrum,  
Auerardum secundum, eiusq. filium Ioannem,  
aut nepotem Cosmum priorem? qua virtutis fa  
ma, qua moderatione, qua prudentia, quo splē  
dore, vixerunt? omnium ætas, omnium scripta,  
omnis posteritas, decantarunt. De Laurentio  
postea, Petri F., quæ tam ingrata exstiteret scri  
ptorum voces, vt de tam diuina hominis gloria,  
magnitudine que, contiscecerent? eo enim se  
virtus effudit, eas gentes peruagata est, vt carissi  
ma Danubio fuerit, veneranda Canopo. tantum  
virtuti, & præstantiæ, tribuitur, & tanti apud  
omnes gentes fit, vt ab exteris quoque ametur,  
colatur. Et gemina thyara, & gemina trabea,  
ac veneranda fascium amplitudo, non ne clari  
sima



suma in luce versatur, Leo X., & Clemens VII. &  
quibus quid fuit liberalius? quid magnificētius?  
quid sanctius? quid augustius? An de Catharina  
Medices, in amplissimo, altissimoque, Galliae fa-  
stigio locata, silentium est? Quid de armorum  
fulmine, & Italici nominis Marte, dicam? Ioan-  
nes Medices, huius Francisci auus, quanta armo-  
rum excellentia, quanta dignitate, floruit? qui  
cum ex humanis exempto occidisse Italicā glo-  
riam, militaremque virtutem, dixisses. non enim  
eo uiuente, & barbarorum agmina sternente,  
arx rerum, & regina gentium Roma tam tur-  
piter, tam miserabiliter, tot ludibria, tot crucia-  
tus, pertulisset. Quid Magnus Cosmus? non ne-  
cognomen virtute, & fortuna, æquauit? Ho-  
rum dignissima soboles Franciscus, tanta Fami-  
liæ gloria, & auito splendore, se undique efful-  
gentem intelligens, haud inscius, hæc fortunæ,  
non uirtutis, esse ornamenta, ut primum per-  
ætatem licuit, eo incumbere, in id omnia studia,  
omnia consilia, cogitationesque, conferre, ut ma-  
iorum gloriam superaret, & in se yno fusa tantæ  
dignitatis, & gloriæ, ornamenta emicarent.  
Primis ergo adolescentiæ annis, acumen inge-  
nii, & memoriæ præstantiam, ad hauriendas di-  
sciplinas contulit: non ignorans, doctorum ho-  
minum consiliis, & scriptis, stare Remp.; &  
in tan-



in tanta negotiorum mole, regnantem indigere consilio, & prudentia, eorum praesertim, qui usu, exemplo, & doctrina, excelluerunt. nullis etenim Princeps disciplinis imbutus, nullo excultus doctrinae genere, quam saepe hebescit? quam crebro labitur? Hic vero Princeps apud focos, penatesque, ueluti auitam disciplinarum hereditatem capebat. in quibus ita illustris existit, tam praecclarus euasit, ut, haustis Latina facundia, & Attico elequo, apud nos Atheniensis, apud Atticos Romanus, crederetur. O praecclaram adolescentiam. O diuinam Principis mentem. O laudabile, & imitabile Principibus omnibus, consilium. Firmata mox aetate, ad rerum arcem destinatur a Patre; ut, quae ipse, tanta diligentia, & uigilantia, legerat, quae ex aliorum scriptis exhauserat, in Romana Aula oculis, usuque, deprehenderet. Ita fuit Pio IV. Pont. Max. gratus, tam acceptus, ut nihil supra. Transcenderat aetatem prudentia. uicerat expectationem praesentia. spem Patris, amicorumque, antecesserat. sapientes consilii acumine aequare excellere paribus. minores, & infimos, non dignabatur tanta morum suauitate, tanta comitate, ut & in homine pariter maiestas regnantis, & humanissimi uiri actiones cospicerentur. Rarum hoc, Auditores, & prope inusitatum apud

B

Prin-



Principes. Quotum enim quemque reperias, qui  
magnis opibus, & summa dignitate, præditus  
sit, & humanitate cum decore coniuncta? Dua-  
rum enim istarum rerum ea est uis, atque natu-  
ra, ut facile inter se discrepent. A Romana vrbe  
Franciscus reuocatus, in Hispanias ad Philip-  
pum mittitur. Quod iter qua animi magnitudi-  
ne, qua liberalitate, cōfecit? Sic deinde fuit apud  
Philippum, ut grauiissimi, sapientissimique, Re-  
gis commendationem cumulado præconio me-  
ruerit. Sed, quod tam diuinum dicendi genus,  
quod tam uber eloquentiæ flumen, exsiltet, ut  
Francisci memoriæ, & gloriæ, satissiat? Quid  
illam dignā Principe faciem, decoram proceri-  
tatem, celsum incessum, firma latera, uirilem  
uocem, attollam? Postmodum, ex Hispaniis  
decedens, satis illi Aulæ probatus, omnibus  
optime notus, Ioannæ Austriacæ, Maximiliani  
Cæsaris filiae, nobilissimæ puellæ, toro alligatur;  
&, adhuc uiuente Patre, mira Patris indulgen-  
tia, ad capeffendum euehitur imperium. in quo  
quanta continentia, & moderatione, uixit? Ef-  
feruescebant iuuentutis calores, estuabant pube-  
scentis ætatis illecebræ, in tanta uoluptatum co-  
pia, in tam longe, lateque, fusis opibus. Cuius  
umquam fuit uiolatus thalamus? expugnata ca-  
stitas? aut libidine funestata cubilia? Animus,  
scri-



scriptorum lectione inflammatus, Principum,  
quos uiderat, exemplo, magis magisque incita-  
tus, ita actiones suas, omni prorsus explosa libi-  
dine, confirmarat, ita sancte legum potestati, im-  
perioque, fasces submiserat, ut, suis non uulgari  
ad bene, modesteque, uiuendum præbito exem-  
plo, & incitamento, Scipioni illi maiori, Afri-  
cano, Pompeio, & Alexandro Macedoni, non  
appareret inferior. Prætereo incredibilem pie-  
tatem erga Numina, summam erga Pontificum  
nomen obseruantiam, mirum in sacros uiros  
obsequium. Intelligebat sapientissimus Prin-  
ceps, Regnorum omnium fundamentum esse  
Pietatem: qua fugata haud dubie mente basi, fa-  
cile amplitudinem, maiestatemque, eodem mo-  
tu, labefactatam, corruere. Sic præterea iustitiã  
coluit, sic est amplexatus, ut suarum actionum  
arcem, & tutelam, diceret. Et re uera nihil iu-  
sto Rege est carius, nihil iucundius, nihil ama-  
bilius, nihil optatius. Et merito, iureque optimo,  
ex historiarum incorruptis monumentis, acce-  
pimus, Traianum, Antonium Pium, Septimi-  
um Seuerum, Alexandrumque Mammeę, a lau-  
data illa, & bene morata, Romana Rep. maxi-  
mis præconiis, & magno statuarum numero, fu-  
isse decoratos: Et nos nihil Francisco tribue-  
mus? Cuius æquitatem, facilitatem, & in audi-  
endis



endis subditis patientiā, nō legim⁹, nō auditione  
accepimus, sed uidimus, & manu tetigimus,  
& cum admiratione per animos uolutamus.  
Itaq. hac rerum experientia Franciscus, hac no-  
minis fama, a Gregorio XII I. Italicarum co-  
piarum imperator (si bellandum esset) declara-  
tur. Et quo Italica gloria, Romanaq. disciplina,  
melius, præstantiusque, potuisset enitescere, quā  
imperante Francisco? cuius uel togati nomen  
barbarorum gentes horrebant? testis est Africa,  
huius armatis triremibus lacerata. testes sitien-  
tia Maurorum arua, accolarum sanguine exlatu-  
rata; mare, hostium corporibus oppletum; Sy-  
riæ, Ciliciæ, Palæstinæque, litora, & oræ, Chri-  
stianis signis peragrata; sic, at ea piratarum ra-  
bies, paullo ante uisceribus nostris debacchata,  
cruentatis litoribus repressa, intra angustum  
Africæ solum æstualet, pæuida metu sui, non  
oblita Francisci nominis, horrensque uirtutem,  
dignationem, uires, audaciam, & fortunam. Et  
tamen Etruria summo otio, Francisci prouiden-  
tia, fruebatur. Clarissima Principis laus, non  
abuti fortuna, & potestate. Aderant centuriatæ  
cohortes, lectissimæ equitum turmæ, florens  
auxiliorum manus, magna uis pecuniæ, summū  
nomen. & tamen crescere subditorum fortunas  
pace maluit, quam sago pace nanque fortunæ  
ciuium



ciuium crescunt, bonarum artium discipline ui-  
gent, florent campi, exornantur opida: in bel-  
lo omnia mala stupra, adulteria, caedes, rapi-  
nae, incendia, uastationes. nihil est tam san-  
ctum, quod non scelerata uiolet bellantium au-  
dacia; nihil tam nefarium, quod refugiat. con-  
culcatur ipsa religio: funestantur templa: & ip-  
sae deorum immortalium arae quam saepe inno-  
centium cruore madescunt? Vidistis, Audito-  
res, regnante Francisco pacem Augusti, & ce-  
lebrata illa saecula. re autem uera haec Prouincia  
indigebat huius diuini Principis moderatione;  
cum paullo ante, Cosmi tempestate, grauissimis  
quassata bellis, & diris uastata tumultibus, mo-  
deratissimum Principem nancisceretur; qui, ex-  
pulso omni tempestatum imbre, quiete sua, & co-  
nstantia, tranquillitatem provincialibus afferret.  
itaque gaudetis, uos ex terribili procellarum fra-  
gore ereptos? eripuit Franciscus. laetamini, in-  
finitas illas, atque erumnosas, ciuiliu armo-  
rum dissensiones, metusque sublatus? sustulit Fran-  
ciscus. ouatis, uos in aeterna pace constitutos? con-  
stituit Franciscus. regionem uestram omnium di-  
sciplinarum genere, & gloria, florentem Fran-  
cisci industria, omnia denique bona, quae isto  
imperante uidimus, (quid autem boni non ui-  
dimus?) si recte ratiocinabimur, uni accepta refe-  
remus



remus Francisco : Incredibile est, Auditores,  
quantum in eo uiguit studium, & desiderium,  
pacis inter Christianos Principes tuendæ; quan-  
tumq. exarserit aduersus Christianæ Religionis  
hostes cupiditate bellandi. Id assidue a Pontifi-  
ce, id a Philippo Rege, postulauit, expoposcit,  
deprecatus est. Iam uero, si ad magnificentiam  
huius Herois perpendendam accedimus, quo præ-  
conio celebrabimus? Eas ipse uasti animi, & di-  
gnas genere, moles iecit, ea excitauit ædificia, iis  
Regalibus impensis magnificentissima Palatia  
architectatus est, construxit, exornauit, ut Etru-  
ria tota illustraretur, & plerisque renouata ue-  
tus illa Romana magnificentia uideretur. Tran-  
sgressus Assyriorum fastum, Persarum gloriam,  
Aegyptiorum labores, fuit non obscurus emu-  
lus Romanæ gloriæ. lactabantur auditu, & admi-  
ratione, equatæ hinc ualles, aut in cacumen ere-  
ctæ, deducta montium fastigia, & æquata so-  
lo, perforati montes, stratæ lapidibus uie, frena-  
ti pontibus fluuii, aqueductus, amphitheatra,  
balnea, obelisci. Quæ omnia, quanto finitimo-  
rum detrimento, quanta pagorum ruina, quan-  
ta Urbium strage, quanta machinatorum inso-  
lencia, quantis populorum ærumnis, gesta, &  
facta, legimus? aut meminimus? Hic uero, nul-  
lis aliorum sumptibus, nullis impensis, nulla  
alterius



alterius iniuria, ea construxit ædificia, quæ ad-  
mirarentur potius posterì, quam imitari se posse  
confiderent. Sed ista nimis cum aliis communia  
fuerunt Francisco. Ad id, quod peculiare, quod  
eximium, & diuinum, in hoc Heroe fuit, deue-  
niamus. Vxorìs, pudentissimæ, lectissimæque,  
femine, iam multorum liberorum parentis, in-  
tempestivum fatum tam mansuete tulit, ut ipsa  
sua tolerantia, & magnitudine animi, seipsum  
solaretur, & a ceteris, non sine ingenti stupore,  
& pietate, lacrymas, eliceret. Mox, pari ictu  
fortunæ impetita domo, unico filio, præclaræ in-  
dolis, & spei, subito erepto, num deuoluta in-  
questus, aut lacrymis insitam animi consuetudi-  
nem dedecorasse putatis? nihil minus. O forti-  
tudinem prædicandam. O diuinam cōstantiam.  
Filii mortē, cuius spiritui, & aurē, amplissima  
ditio, auitē maiorum opes, spes subditorum,  
senectutis solatium, nitebantur, non infringi,  
non contundi, non debilitari, diuinitatis est po-  
tius, quam mortalitatis. Quos enim, & quot,  
legimus, parentes, nimio liberorum desiderio,  
misere uitam finisse? aut, si dolor intra spiritum  
steterit, turpissimis lamentationibus, muliebri-  
bus lacrymulis, præclaram antea actam uitam foe-  
dassee? Sed Franciscus intelligebat, illo suo di-  
uino iudicio, ab se mortalem genitum; & om-

Franciscus

B

2

nesea



nes ea lege nasci, ut semel moriendum sit; nec in  
hac uniuersitate quidquam esse perenne. non  
philosophus, sed Christianus philosophorū glo-  
riam exsuperabat. se ipsam, in maximis dome-  
sticę calamitatis fluctibus, inuictum præstabat.  
Nec uero in gemino uxoris, liberorumque, fu-  
nere, sed etiam in interitu suo, humanitatis sen-  
sum animi magnitudine uicit. sic enim in ex-  
tremo spiritu constans, & inuictus, fuit, ut mor-  
tem facile conteēneret. rite expiatus, sacro etiam  
uiatico munitus, despiciebat hæc mortalia, toto  
animo ad cęlestia rapiebatur, ea anhelare, iusto  
rum fatum non infelix, carum ipsis, acerbum  
prę desiderio posteritati. Et uere, si res suo pon-  
dere perpendatur, ea Vita dicenda est, qua, his  
uinculis relaxati, omnibus ærumnis liberi, ad cę-  
lestem illam Patriam, quietis, tranquillitatisque,  
plenissimam, euolamus. eā Mors dicenda, qua  
his est occidendum. O te felicem Franciscum,  
o beatum; qui, æterna aura fruens, maximum  
nobis tui desiderium reliquisti, nostris lacrymis  
associatis elementorum questibus. Recordami-  
ni, Auditores his præteritis diebus fulgurum ia-  
ctus, uolitantes cęlo faces, imbres, procellas,  
funestos uulnerum cantus, dirosq. eiulantis na-  
turę horrores. omnia moriente Francisco gemit-  
scebant; pallebant sidera; pullatum uelum trista-  
batur;



batur; omnia elementa Magno Francisco parentabant; nostręq, lacrimę, gemitus, dolores, luctus, acerbitates, mutarum sensu rerum uincebantur. Sed, cur ego nondum obducta uulnera recordatione refrico? cur geminatos fletus edico, cur uestrum omnium mentes, magnanimi Herois cupiditate, inflammo? cur concutio? Est uero mihi excitandus aliquis ex Illustrissima Familia, qui hiantibus uulneribus uestris medeatur, qui dolorem leniat, qui fletus abstergat. Ioannes potissimum auus erit. Hunc ita uos alloquentem proponite: Quid Magni Francisci mei funera, & busta, lacrymis commaculatis? cur eterni nominis famam his questibus dehonestatis? Est grata manibus. uestra in hoc commuui luctu lugubriq. adspectu, uoluntas: gratissima semper, & iucundissima, uestra officia, beneuolentiaque, fuere. non obliuiscitur horum mea progenies; commendat uestram pietatem, extollit studium erga se; cohibete gemitus: abstergite fletus. hic, quem uos lugetis, eternis beatorum sedibus potitur; est sideribus conciliatus; eo tandem peruenit, quo uota sua optarant, anhelarent, sperarant. imitamini illius mansuetudinem, tolerantiam, & sanctitatem. fugate omnem ex animis uestris acerbitem, ex illius fato contractam. Ferdinandi, mei, Patris, maiorumque,  
C virtute



uirtute, orisq. lineamentis, simillimi, magnitudi-  
dini, sapientię, uirtutique, confidite. aluit Pri-  
cipem Roma, sacra purpura late gentibus osten-  
tauit. est ulu firmatus rerum; excellens ingenio;  
consilio eximius; pietate diuinus Breui, in hoc  
uestro Principe, Franciscum fratrem, & Com-  
mum patrem, uiuentes, & redditos uobis, ui-  
debitis. ad quid inanes hos questus, & uoces, iac-  
tatis? cur tumultuamini? His igitur uocibus ue-  
stra non lenietur acerbitas? non mitescet dolor?  
Quare, nobilissimi Pisani, quiq. adestis omnes,  
ite mecum in uota pro noui Principis salute. no-  
ua, inusitataque, letitia, ueteris doloris recorda-  
tionem abiicite. obruite, quidquid est acerbum,  
aut crudele; herente semper uisceribus uestris  
Francisci diuinarum uirtutum memoria.

DIXI

005265437



